

**يا طلعة الهادي .. يمدوّب أفاذي
راس أمك ليلي شيبته .. يبني المذبوح**

%%%%

قرب يومك واحس تتراجف أعظامي
تشب نار الهجر في صدري الظامي
علي يا ضنوتي عازم تفارقني
دمع لموادع بحسراتي خانقني
أبد ما قصرت برباك يوليدي
عطيتك كل حناني واغلي ما بيدي
إذا تعتل أطيح مكسر جناحي
أساهر ليلي جفني اعلى المهد صاحي

يا نعمه من الباري .. شمسك تضوي بداري
ابلب أحشاي باريتك .. بحضني الدافي ناغيتك

**خدك على خدي .. حالك مرد جبدي
راس أمك ليلي شيبته .. يبني المذبوح**

%%%%

أفز من مضجعي بس تبجي بالأكبر
يسأليني التعب واترقبك تكبر
غمرتك بالعطف واتمنى تغمرني
بعد عزّي ودلاي ناوي تهجرني
تغيب أنفاسي يا من روحتك تجرح
أموت بغصتي في ساعة المذبوح
يهون عليك يا يمّه تبارحني
يصوره أمن النبي شوفك يريحني

عقبك يا نظر عيناي .. حقّي لو عفت دنياي
أكبر يا ثمر لسنين .. من دمك تروّي الدين

**يا زهرة أيامي .. تتبدد أحلامي
راس أمك ليلي شيبته .. يبني المذبوح**

يسور آمالي أدري ما إلك رجعه
أظلل بخرقة أمصاك أهل دمه
يحق ليّ العتب يروحتي أسمعني
قبل ما تفارق أمك وارحل بظعني
بشم عطرك يمحلي جلاستك يمي
أحب اسمع تقلي يا هلا بامي
تطيب الروح من صوتك يمر بأذني
دخيلك لو ردت تبعد معك خذني

لجلك منخطف لوني.. منك خابت ظنوني
باچر هالظعن رايح .. وانت أعلى الترب طايح

جمر أشتعل جوفي .. أتراعش بخوفي
راس أمك ليلى شيبته .. يبني المذبوح

%%%

وحق أربايه ريض يا شمس عدنان
وحليبي اللي رضعته واعرفك عطشان
غريبه وحدي بين اجناب تتركني
ذخرتك للعمر تالي الزمن صكني
يجيبك والدك ليّ من الحومه
واشوفك يالبدر متهني بالنومه
بحط بحجري راسك واصرخ ارحمني
بشق مفجوعه جيبي فقدك ألمني

يبني مغيره ارسومك..بتحنى من ادمومك
ليل ابلا صبح عمري ..والله ما نصف دهري

راعي الحسّن والجود ..لامك بعد ما أتعود
راس أمك ليلى شيبته .. يبني المذبوح

بظل أبچيك يبني واذكر كل حين
فديتك لا تقصر دون أبوك حسين
بروح ميسره وتذني عدواني
رضيت أبهال بلا وعين الله تبراني
أبد ما أمنعك يا حصني العالي
لجل دين النبي مرخوص يالغالي
يريت أويك جسمي بكربلا تقطع
ولا عنك سبيته أعلى الهزل أطلع

قلبي تونر بلطفوف .. وانت مبضع بلسيوف
أندب والندب ميفيد .. أهل الكوفه سووا عيد

ما حد پراعيانا .. وين اليحامينا
راس امك ليلى شيبته .. يبني المذبوح